

夏水

經注卷十五

中

漢

欽

撰

洛水

後魏酈道元注

洛水 雍州入河

洛水出京兆上洛縣謹舉山

地理志曰洛出冢嶺山山海經曰出上洛西山又

曰謹舉之山洛水出焉東與丹水合水出西北竹

山東南流注于洛

洛水又東戶水注之

水 卷十五

水北出發戶山南流入洛 戶一作尸按山海經云

洛水其中多美玉是知戶字譌也

洛水又東得乳水

水北出良餘山南南注于洛

洛水又東會于龍餘之水

水出蟲尾之山東流入洛水 山海經作蟲尾蟲字似譌 又東至

陽虛山合 宋本有于字 玄扈之水是也又曰自鹿蹄之

山以至玄扈之山凡九山玄扈亦山名也而通與

謹舉為九山之次焉故山海經曰此二山者洛間

也是知玄扈之水出于玄扈之山蓋山水兼受其目矣其水逕于陽虛之下山海經曰又陽虛之山臨于玄扈之水是為洛汭也河圖玉板曰倉頡為帝南巡宋本作隨帝山海經注引河圖但作為帝蓋為黃帝代巡也登陽虛之山

臨于玄扈洛汭之水靈龜負書丹甲青文以授之即於此水也宋本也下有洛水二字又東歷清池山傍東合

武里水水南出武里山東北流注于洛

洛水又東門水出焉

爾雅所謂洛別為波也洛水又東要水入焉水南

水經注 卷十五

出三要山東北逕拒陽城西而東北流入于洛洛

水又東與獲水合水南出獲興山俗謂之備水也

東北逕獲興川世名之為郤川東北流注于洛

洛水又東逕熊耳山北

禹貢所謂導洛自熊耳博物志曰洛出熊耳蓋開其源者是也

東北過盧氏縣南洛水逕陽渠關北

陽一作陽渠水出南陽渠山即荀渠山也其水一

源兩分川流半解一水西北流屈而東北入於洛

山海經曰熊耳之山浮豪之水出焉西北流注于

洛疑卽是水也荀渠蓋熊耳之殊稱若太行之歸

山也故地說曰熊耳之山地門也按圖括地象云熊耳爲地門其

精上爲壁附耳星也洛水出其間是亦總名矣其一水東北

逕陽渠城西故關城也其水東北流注于洛

洛水又東逕盧氏縣故城南

竹書紀年晉出公十九年晉韓龍氏城今竹書云晉韓龐取

盧氏城王莽之昌富也有盧氏川水注之水北出盧

氏山東南流逕盧氏城東而流注于洛水又東龍

水經注 八卷十五

翼合三川並出縣之南山東北注洛開山圖曰盧

氏山宜五穀可避水災亦通謂之石城山山在宜

陽山西南千名之山咸處其內陵阜原險易以度

身者也又有葛蔓谷水自南山流注洛水洛水又

東逕高門城南卽宋書所謂後軍外兵龐季明入

盧氏進達高門木城者也

洛水東與高門水合

水出北山東南流合洛水枝津水上承洛水東北

流逕石勒城北又東逕高門城北東入高門水亂

不知是之
在此便同

流南注洛

洛水又東松楊溪水注之

水出松楊山北流注于洛洛水又東逕黃亭南又

東合黃城溪水鍾指行亭水出鵜鵬山有二峰峻極于天高

崖雲舉亢石無階後徒喪其捷巧宋本作謝其廳族窮

輕工及其長霄冒顛一作嶺層霞冠峰方乃宋本作可就

辨優劣耳故有大小鵜鵬之名矣谿水東南流歷

亭下謂之黃亭谿水而宋本作又東南入于洛水洛水

又東得荀公澗口水出南山荀澗即龐李明所入

水經注

八卷十五

四

荀公谷者也其水歷谷東北流注于洛水洛水又

東逕檀山南其山四絕孤峙山上有塢聚俗謂之

檀山塢義熙中劉公西入長安舟師所屆次于洛

陽命參將戴延之與府舍人虞道元即舟遡流窮

竟洛川欲知水軍可至之處延之屆此而返竟不

達其源也

洛水又東庫谷水注之

水自宜陽山南三川並發合為一谿東北流注于

洛洛水又東得鵜鵬水口水發北鵜鵬澗東南流

譚云只亢石無階四字多少傲听朱云只之寫一高字而語特曠秀

入于洛洛水又逕僕谷亭北左合北水水出北山
東南流注于洛洛水又東侯谷水出南山北流入
于洛洛水又東逕龍驤城北龍驤將軍王鎮惡從
劉公西入長安陸徑所由故城得其名洛水又東
左合宜陽北山水水自北谿南流注洛洛水又東
黃山澗水注之水出南山由谿北流逕龍驤城東
而北流入于洛洛水又東右得直谷水水出南山
北逕屯城西北流注于洛水也
又東北過蠡城邑之南

水經注

卷十五

五

城西塢水出北四里山上原高二十五丈故黿池
縣治南對金門塢水南五里舊宜陽縣治也洛水
右會金門谿水水南出金門山北逕金門塢西北
流入于洛洛水又東合款水有二源並發而川宋本
作兩逕引謂之大款水也合而東南入于洛洛水
又東黍良谷水入焉南出金門山開山圖曰山出
多重固在韓建武二年張弩偏將軍陳俊轉擊金
門白馬皆破之即此也而東北流注于洛洛水又
東左合北谿南流入于洛也

穀有脫後

又東過陽市邑南又東北過于父邑之南

太陰谷水南出太陰谿北流注于洛洛水又東合

白馬谿水出宜陽山澗有大石厥狀似馬故谿澗

以物色受名也谿水東又疑作北流注于洛洛水

又東有昌澗水注之水出西北宜陽山而東南流

逕宜陽故郡南舊陽市邑也故洛陽都典農治此

後改爲郡其水又東舊本作南注于洛洛水又東逕一

合塢南城在川北原上高二十丈南北東三箱天

嶮峭絕唯築西面即爲合固一合之名起於是矣

水經注

卷十五

劉曜之將攻河南也晉將軍魏該奔於此故于父

邑也洛水又東合杜楊澗水水出西北杜楊谿東

南逕一合塢東與槃谷水合亂流東南入洛

洛水又東渠谷

雜指有合字 渠谷上下 疑有關

水出宜陽縣南女几山東北流逕雲中塢在上邳

邈層峻流煙半垂纓帶山阜故塢受其名水又東

北入洛水臧榮緒晉書稱孫登嘗經宜陽山作炭

人見之與語登不應作炭者覺其情神非常咸共

傳說太祖聞之使阮籍往觀與語亦不應籍因大

傳云今人於
何處尋臧榮
緒晉書古書
不傳者何限
云蘇門行
步兵欲語

之而不能中
不得其神情
至為作炭人
識之安知此
而尚覺蘇門
之為人物色
友多事也

譚云從姓名
上復窮論一
番伊人之想
甚深

形峰石
尚不能
移甲仗之
山亦可平
文真極言豈
須徵實

嘯。登笑曰。復作向聲。又為嘯。求與俱出。登不肯。籍
因別去。登上峰。行且嘯。如簫韶笙簧之音。聲振山
谷。籍怪而問。作炭人。作炭人曰。故是向人聲。籍更
求之。不知所止。推問久之。乃知姓名。余按孫綽之
敘高士傳。言在蘇門山。又別作登傳。孫盛魏春秋
亦言在蘇門山。又不列姓名。阮嗣宗感之。著大人
先生論。言吾不知其人。即一作既神遊自得。不與物
交。阮氏尚不能動其英操。復不識何人。而能得其
姓名。

水經注

卷十五

七

又東北過宜陽縣南

洛水之北。有熊耳山。雙巒競舉。狀同熊耳。此自別
山。不與禹貢導洛自熊耳同也。昔漢光武破赤眉。
樊崇積甲仗與熊耳平。即是山也。山際有池。池水
東南流。水側有一池。世謂之鼃池矣。又東南逕宜
陽縣故城。西謂之西度水。又東南流入于洛。
洛水又東逕宜陽縣故城南。

秦武王以甘茂為左丞相。曰寡人欲通三川。窺周
室。死不朽矣。茂請約魏以攻韓。斬首六萬。遂拔宜

陽城故韓地也。後乃縣之。漢哀帝封息夫躬爲侯國。城之西門赤眉樊崇與盆子及大將等奉璽綬劔壁處。世祖不卽見。明日陳兵於洛水。見盆子等。謂盆子丞相徐宣曰：不悔乎？宣曰：不悔。上嘆曰：卿庸中。皦皦鐵中錚錚也。洛水又東與厭梁之水合。水出縣北。傳一作山大陂山無草木。其水自陂北流。屈而東南注。世謂之五延水。又東南流逕宜陽縣故城。東東南流注于洛。洛水又東南黃中澗水出北阜。二源奇發總成一川。東流注于洛。洛水又

水經注

卷十五

八

東祿泉注之。其水近出北谿。洛水又東共水入焉。水北出長石之山。山無草木。其西有谷焉。厥名共谷。共水出焉。南流得尹谿口。水出西北尹谷。東南注之。其水右與西南左澗水會。水東出近川。西流注于共水。共水又南與李谷水合。水出西北李谿。東南注。秦水發源秦谷。西南流與李谷水合。而西南流入共水。共水世謂石頭泉。而南流注于洛。洛水又東黑澗水南出。陸渾西山歷于黑澗。西北入洛。洛水又東臨亭川水注之。水出西北近谿。

東南與湖長澗水會水出北山南入臨亭水又東南歷九曲西而南入洛水也

又東北出散關南

洛水東逕九曲南其地十里有坂九曲穆天子傳所謂天子西征升于九阿此是也洛水又東與豪水會水出新安縣密山南流歷九曲東而南流入于洛洛水之側有石墨山山石盡黑可以書疏故以石墨名山矣

洛水又東枝瀆左出焉

水經注

八卷十五

九

周云女冢清
三冢神靈
傳其名

東出關絕惠水又逕清女冢南冢在北山上耆舊傳云斯女清貞秀古跡表來今矣故瀆又東逕周山上有周靈王冢皇覽曰周靈王葬於河南城西南周山上蓋以王生而神故謚曰靈其冢人祠之不絕又東北逕柏亭南皇覽曰周山在柏亭西柏謂斯亭也又東北逕三王陵東北出焉三王或言周景王悼王定王也魏司徒公崔浩注西征賦云定當為敬潘岳西征賦云咨景悼以迄句政凌遲而彌季崔時所傳或作定悼故云定當作景傳寫者又誤以景作敬耳敬王名句安得疊言之理乎子朝作難西周政

弱人荒悼敬二王與景王俱葬於此故世以三王名陵帝王世紀曰景王葬于瞿泉

一作瞿泉今洛陽太

倉中大家是也而復傳言在此所未詳矣又悼敬

二王稽諸史傳復無葬處今陵東有石碑錄赧王

以上世王名號考之碑記周墓明矣故瀆東北歷

制鄉逕河南縣王城西歷邾鄆陌杜預釋地曰縣

西有邾鄆陌謂此也故瀆又北入穀蓋經始周啓

瀆久廢不修矣洛水自枝瀆又東出關惠水右注

之世謂之八關水戴延之西征記謂之八關澤即

水經注

八卷十五

十

經所謂散關鄆自南山橫洛水北屬於河皆關塞

也即楊僕家僮所築矣惠水出白石山之陽東南

流與瞻水合水東出婁涿之山而南流入惠水惠

水又東南謝水

山海經作謝水

北出瞻諸之山東南流又

有交觸之水北出鹿山南流俱合惠水惠水又南

流逕關北城二十里者也其城西咀塞垣東抗惠

水靈帝中平元年以河南尹何進為大將軍五營

士屯都亭置函谷關廣城伊關大谷轅轅旋門平

津孟津等八關都尉官治此函谷為之首在八關

之限故世人惣其統曰有八關之名矣其水又南
流入于洛水山海經曰白石之山惠水出其陽而
南流注于洛謂是水也洛水又與虢水會水出林
褚之山山海經曰扶豬之山虢水出焉北流注于洛水其南則鹿
蹄之山也世謂之非山也其山陰則峻絕百仞陽
則原阜隆平甘水發于東麓北流注于洛水也
又東北過河南縣南

周書稱周公將致政乃作大邑成周于中土南繫
于洛水北因于邾山以為天下之大濇孝經援神

水經注

卷十五

契曰八方之廣周洛為中謂之洛邑竹書紀年晉
定公二十年洛絕于周魏襄王九年洛入成周山
水大出南有甘洛城郡國志曰所謂甘城也地記
曰洛水東北過五零陪舊本作倍尾北與澗瀍合是二
水東入千金渠故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦
惟洛食其城方七百二十丈南繫于洛水北因于
邾山以為天下之濇方六百里因西為千里春秋

宋云古本元
是水起與管

輅別傳山雲
樓起皆雨狀

也俗人妄改
作杳起一字
之謬生死判
然

謂云魚復亭
雅耶

昭公二十三年晉合諸侯大夫成成周之城故亦
曰成周也遷自序云太史公留滯周南摯仲治曰
古之周南今之洛陽漢高祖始欲都之感婁敬之
言不日而駕行矣屬光武中興宸一本居洛邑逮
於魏晉咸兩宅焉故魏略曰漢火行忌水故去其
水而加雉魏為土德土水之牡也語故自注水得土而流土
得水而柔除雉加水長沙耆舊傳云祝良字石卿
為洛陽令歲時亢旱天子祈雨不得良乃曝身階
庭告誠引罪自晨至午紫雲水起甘雨登降人為

水經注

卷十五

十二

歌曰天久不雨烝人失所天王自出祝令特苦精
符感應滂沱下雨則縣司及河南尹治司隸周官
也漢武帝使領徒隸董督京畿因名司州焉地記
曰洛水東入于中提山間東流會于伊是也昔黃
帝之時天大霧三日帝遊洛水之上見大魚煞五
牲以醮之天乃甚雨七日七夜魚流始得圖書今
河圖視萌篇是也昔王子晉好吹鳳笙招延與道
士浮丘同遊伊洛之浦舍始又受玉雞之儒瑞於

此水

舍始當作舍始儒字衍帝王世紀曰漢高帝
毋曰舍始遊于洛池有玉雞銜赤珠出刻曰

王英吞此者王會亦洛神宓妃之所在也洛水又始吞之而生帝也

東合水南出半石之山北逕今水塢疑作合水而東北

流注于公路澗但世俗音譌號之曰光祿澗非也

上有袁術固四周絕澗迢遞百仞廣四五里有一

水淵而不流故谿澗即其名也合水北與劉水合

水出半石東山西北流于劉聚三面臨澗在緱氏

西南周畿內劉子國故謂之劉澗其水西北流注

于合水合水又北流注于洛水也

又東過偃師縣南

水經注

卷十五

十三

洛水東逕計素洛中朝時百國貢計所頓故渚得

其名又東偃師故縣南與緱氏分水又東休水自

南注之其水導源少室山西流逕穴山南而北與

少室山水合水出少室北溪西南流注休水休水

又左會南谿水發大穴南山北流入休水休水又

西南北屈潛流地下其故瀆北屈出峽謂之大穴

口北歷覆釜堆東蓋以物象受名矣又東屈零星

塢水流流字似衍潛通重源又發側緱氏原闢山圖謂

之緱氏山也亦云仙者昇焉言王子晉控鶴斯阜

靈王望而不得近。舉手謝而去。其家得遺履。俗亦謂之爲撫父堆。堆有二。有子晉祠。或言在九山。非此。世代已遠矣。莫能辨之。劉向疑脫仙傳云。世有簫管之聲焉。休水又逕延壽城南。緱氏縣治。故滑費春秋滑國所都也。王莽更名中亭。卽緱氏城也。城有仙人祠。謂之仙人觀。休水又西轉北。屈逕其城西。水之西南有司空密陵光侯鄭廟。碑文缺。不可復識。又有晉城門校尉昌原恭侯鄭仲林碑。晉皇始六年立。休水又北流。注于洛水。洛水又東逕百

水經注

卷十五

十四

谷塢北。戴延之西征記曰。塢在川南。因而宋本爲

塢。高一十餘丈。劉武王西入長安。舟師所堡也。

洛水又北陽渠水注之。

竹書紀年。晉襄公六年。洛絕于洵。卽此處也。洛水

又北逕偃師城東。東北歷鄆中。水南謂之南鄆。中

水之南鄆亦曰上鄆也。逕訾城西。司馬彪所謂訾

聚也。而鄆水注之。水出北山。鄆谿其水南流。世謂

之溫水泉。水側有童一作人穴。穴中有僵尸。戴延

之從劉武王西征記曰。有此尸。尸今猶在。夫物無

不化之理。竟無不遷之道。而此尸無神識。事同木偶之狀。喻其推移。未若正形之速遷矣。鄠水又東南於訾城西北。東入洛水。故京相璠曰。今鞏洛渡北有鄠谷水。東入洛。謂之下鄠。故有上鄠下鄠之名。亦謂之北鄠。於是南鄠北鄠之稱矣。又有鄠城。蓋周大夫鄠盼之舊邑。

洛水又東逕訾城北。又東羅水注之。

出方山羅川西北流。蒲池水注之。

疑脫水字出南浦陂。

西北流合羅水。謂之長川。羅亦曰羅中也。蓋盼子

水經注

卷十五

十五

鄠羅之宿居。故川得其名耳。

盼當作盼。左傳昭二十三年王子朝人于

王執鄠羅納諸莊宮。杜預云鄠羅周大夫鄠盼之子也。

羅水又西北白馬谿

水注之。水出崧山北麓。逕白馬塢。東而北入羅水。

西北流。白相澗水注之。水出嵩麓桐谿北流。逕九

山東。又北九山東谿水入焉。水出百稱山東谷。其

山孤峰秀出。巉巉分立。仲長統曰。昔密有十城者。

身遊九山之上。放心不拘之境。謂是山也。山際有

九山廟。廟前有碑云。九顯靈府君者。太華之元子。

陽九列名。號曰九山府君也。南據崧岳北帶洛澨。

晉元康二年九月太歲庚午帝遣殿中一作太歲在戊皇帝

遣云云按世譜晉元康二年太歲在壬子而用歷經推之是年九月乙亥朔無庚午日也中郎

將關內侯樊廣緱氏令王與傳演宋本作緱氏令王與王簿傳演

奉宣詔命興立廟殿焉又有百蟲將軍顯靈碑碑

云將軍姓伊氏諱益字隤斨帝高陽之第二子伯

益者也史記秦本紀云顯頊之裔孫大業生大費佐舜調馴鳥獸是為栢翳索隱云伯翳即

尚書之伯益列女傳云皋子不歲而贊禹曹大家注云皋子者皋陶之子伯益也此碑謂益字隤斨

帝高陽之第二子與史記異左傳所記隤斨庭堅並高陽氏之子杜元凱左傳注又云皋陶字庭堅

則父子同在八體之中不應並時而舉也晉元康五年七月七日順人

水經注

卷十五

吳義等建立堂廟永平元年二月二十日刻石立

頌贊示後賢矣其水東北流入白相澗又北逕袁

公塢東蓋公路始固有此也故有袁公之名矣北

流注于羅水羅水又西北逕袁公塢北又西北逕

潘岳子父墓前有碑岳父茈瑯琊太守碑石破落

文字缺敗岳碑題云給事黃門侍郎潘君之碑碑

云君遇孫秀之難闔門受禍故門生感覆醢以增

慟乃樹碑以記事太常潘尼之辭也羅水又於訾

城東北入于洛水也

又東北過鞏縣東又北入于河

洛水又東明樂泉注之水出南原下三泉並導故世謂之五道泉卽古明谿泉也春秋昭公二十二年師次于明谿者也洛水又東逕鞏縣故城南東周所居也本周之畿內鞏伯國也春秋左傳所謂尹文父一作公涉於鞏卽於此也洛水又東濁水注之卽古湟水也水出南原京相璠曰訾城北三里

水經注

卷十五

十七

璠曰鞏東地名坎飲在洞水東疑卽此水也又逕盤谷塢東世又名之曰鹽谷水司馬彪郡國志鞏有坎飲聚春秋僖公二十四年王出及坎飲服虔亦以爲鞏東邑名也今考厥文若狀焉而不能精辨耳晉太康地記晉書地道記並言在鞏西非也其水又北入洛

洛水又東北流入于河

山海經曰洛水成臯西入河是也謂之洛汭卽什谷也故張儀說秦曰下兵三川塞什谷之口謂此

引也。史記者義曰：鞏縣有鄴谷水者也。史記張儀傳云：塞斜

谷之曰。徐廣音義曰：斜一作尋。成阜鞏縣有尋口。黃帝東巡河過洛，修壇

沈璧，受龍圖于河，龜書于洛，赤文篆字。堯帝又循

壇河洛，擇良議，沈榮光出河，休氣四塞，白雲起，迴

風逝，赤文綠色，廣袤九尺，負理平上，有列星之分。

什政之度，帝王錄記興亡之數，以授之。又東沈書

於日穆，赤光起，玄龜負書，背甲赤文成字，遂禪於

舜。舜又習堯祀，沈書於日穆，赤光起，玄龜負位。疑

書至于穆下，榮光休至，黃龍卷甲，舒圖壇畔，赤文

水經注

卷十五

綠錯以授舜，舜以禪禹，殷湯東觀於洛，習禮堯壇

降璧三沈，榮光不起，黃魚雙躍，出濟於壇，黑鳥以

浴，隨魚亦上，化為黑玉，赤勒之書，黑龜赤文之題

也。湯以伐桀，故春秋說題辭曰：河以道坤，出天苞。

洛以流川，吐地符。王者沈禮焉。竹書紀年曰：洛伯

用與河伯馮夷鬪，蓋洛水之神也。昔夏太康失政

為羿所逐，其昆弟五人須於洛汭，作五子之歌於

是地矣。

伊水出南陽縣西蔓渠山

御覽引尚書中

譚云如霞密

爰錄之語雖

世不經用亦

何可不挂目

山海經曰蔓渠之山伊水出焉淮南子曰伊水出
上魏山地理志日出熊耳山即麓大冢陵巒互別
耳水自熊耳東北逕鸞川亭北茲水出茲山北流
際其城東而北入伊水世人謂伊水為鸞水茲水
為交水故名斯川為鸞川也又東為淵潭潭渾若
沸亦不測其深淺也伊水又東北逕東亭城南又
屈逕其亭東東流者也宋本作東北流
東北過郭落山

陽水出陽山陽谿世人謂之太陽谷水亦取名焉

水經注

卷十五

伊水

十九

東流

山海經作北流

入伊水伊水又東北鮮水入焉水出

鮮山北流注于伊伊水又與蠻水合水出盧氏縣
之蠻谷東流入于伊

又東北過陸渾縣南

山海經曰瀟瀟之水出於釐山南流注于伊水今
水出陸渾縣之西南王母澗澗北山上有王母祠
故世因以名谿東流注于伊水即瀟瀟之水也伊
水歷岬口山峽也翼岬深高壁立若闕岬上有塢
伊水逕其下歷峽北流即古三塗山也杜預釋地

杜預注三陸在陸
中縣南

宋云亦自精
博

曰山在縣南闕駟十三州志云山在東南今是山
在陸渾故城東南八十許里春秋昭公四年司馬
侯曰四嶽三塗陽城太室荆山中南九州之險也
服虔曰三塗大行轅轅嶠鼉非南望也京相璠之
著春秋地名亦云山名也以服氏之言云塗道也
準周書南望之文服言宜為轅轅大道伊闕皆為
非也春秋晉伐陸渾請有事於三塗知是山明矣
有七谷水注之水西出女机山之南七谿山上有
西王母祠東南流注于伊水又北蚤谷水注之水

水經注

卷十五

二十一

出女机山之東谷東逕故亭南東流入于伊水伊
水又東北逕伏流嶺東嶺上有崑崙祠民猶祈焉
劉澄之永初記稱陸渾縣西有伏流坂者也今山
在縣南崖口北三十里許西則非也北與溫泉水
合水出新城縣之狼罽山之西南阜下西南流會
于伊水伊水又東北逕伏睹嶺左納焦澗水水西
出鹿臍山東流孤山南其山介一作立豐上單秀
孤峙故世謂之方山即劉中書澄之所謂縣有孤
山者也東歷伏睹嶺南東流注于伊伊水又東北

涓水注之。水出陸渾西山，即陸渾山者也。尋郭文

之故居。訪胡昭之遺像。世去不停。莫識所在。晉書

字文舉，河內軹人也。少愛山水，尚嘉遼。父母服畢，

辭家游名山，洛陽陷，乃步擔入吳興。餘姚大辟山

中，躬耕樂道，以經籍自娛。閭里敬而愛之。寇賊到

陸渾南長樂亭，自相約誓，言胡居士賢者，

也。一不得犯其部落。一川賴昭，咸無怵懼。其水有

二源俱導而東，注號略。在陸渾縣西九十里也。司

馬彪撰國志曰：縣西號略池。春秋所謂東盡於號

略者也。北水東流，合侯澗水。澗出西北侯谿，東南

流，注于涓水。涓水又東，逕陸渾縣故城北。平王東

水經注

卷十五

遷辛有適伊川，見有被髮而祭於野者，曰不及百

年，此其戎乎。魯僖公二十二年春，晉遷陸渾之戎

于伊川，故縣氏之也。涓水東南流，左合南水，水出

西山七谷，亦謂之七谷水。祖澗東逝，歷其縣南，又

東南，左會北水，亂流左合禪渚。渚水上承陸渾縣

東禪渚，渚左原上，陂方十里，佳饒魚葦。一作葦 即山

海經所謂南望禪渚，禹父之所化。郭景純注云：一

禪音暖。山海經云：青要之山，北望河曲，南望 禪渚，禹父之所化。郭景純云：禪音填，

羽淵而復在此，然已變怪，亦無往而不化矣。世謂

祖字義我疑或取

胎 養於庖 後足割烹疑

此澤為慎望陂陂水南流注于涓陽水涓陽水又東

南注于伊水昔有莘氏女采桑于伊川得嬰兒於

空桑中言其母孕於伊水之濱夢神告之曰曰水

出而東走母明視而見曰水出焉告其鄰居而走

顧望其邑咸為水矣其母化為空桑子在其中矣

莘女取而獻之命養於庖而長有賢德殷以為尹

曰伊尹也

又東北過新城縣南

馬懷橋長水出新城西山東逕晉使持節征南將

水經注

卷十五

二十三

軍宋均碑南均字文平縣人也其碑太始三年十

二月立其水又東流入于伊又有明水出梁縣西

狼鞞山俗謂之石澗水也西北流逕楊亮壘南西

北合康水亦出狼鞞山東北流逕范塢北與明水

合北汶汶字疑誤西南流入于伊山海經曰放臯之山

舊本作放鞞郭景純注山海經明水出焉南流注

于伊水是也伊水又與大戟水會出渠一作梁縣西

水有二源北水出廣城西南西南逕楊志塢北與

南水合水源南出廣城澤西流陸渾河南十二縣

與與道和景永
十文作林景景

廣城澤在新城縣界，黃阜西，北流，屈而東，逕楊塢南，又北，屈逕其塢東，又逕塢北，同注老倒澗。俗謂之老倒澗水，西流入于伊水，又北逕新城東，與吳澗水會，水出縣之西山，東流，南屈逕其縣故城西，又東轉逕其縣南，故蠻子國也。縣有鄭聚，今名蠻中是也。漢惠帝四年置縣，其水又東北流，注于伊水。伊水又逕西北，當階城，西大狂水入焉。水東出陽城縣之大誓口，同苦山海經曰大誓之山，多璵璠之玉，其陽狂水出焉，西南流，其中多三足龜。

水經注

卷十五

人食之者無大疾，可以已腫。狂水又西逕綸氏縣，故城南。竹書紀年曰：楚吾得帥師，及秦伐鄭，圍綸氏者也。左與倚薄山水合，水北出倚薄之山，南逕

黃城，舊本作城黃，西又南逕綸氏，故城東而南流，注于

狂水。狂水又東，宋本作西入風谿水，注之。水北出八風

山，南流逕綸氏城，西西南流入于狂水。狂水又西得三交水口，水有二源，各導一谿，並出山南，合流

故世有三交之名也。其水西南流，注于狂水。狂水又西逕岳，高山北，西南與湮水合，水出東北，湮谷

西南流逕武林亭東北又屈逕其亭南其水又西
南逕澶陽亭東蓋藉水以名亭也又東南流入于

狂狂水又西逕澶陽城南又西逕當階城南而西

流注于伊伊水又北上溝水古本上溝一作土溝出玄望西

山一作山西東逕玄望山南又東逕新城縣故城北東

流注于伊水伊水又北板橋水入焉水出西山東

流入于伊水伊水又北會厭澗水水出西山東流

逕邠垂邠音審亭南春秋左傳文公十七年秋周甘

斨敗戎於邠垂者也服虔曰邠垂在高都南杜預

水經注

卷十五

釋地曰河南新城縣北有邠垂亭司馬彪郡國志

曰新城有高都城今亭在城南七里遺基猶在一本

有焉京相璠曰舊說言邠垂在高都南今上黨有

高都縣余謂京論跡遠未足以證無如虔說之旨

密矣其水又東注于伊水伊水又北逕高都城東

徐廣史記音義曰今河南新城縣有高都城竹書

紀年梁惠成王十七年東周與鄭高都利者也又

來需之水出于半石之山西南流逕斌輪城北西

歷菱澗一作菱澗水以其西流又謂之小狂水也其水

譚云大爲陽
不鞭而祈之
石亦好諛耶

又西南逕大石嶺南開山圖所謂大石山也山下
有大石嶺碑河南隱士通明以漢靈帝中平六年
八月戊辰於山堂立碑文字淺鄙殆不可尋魏文
帝獵於此山虎超乘輿孫禮拔劍投虎於是山山
在洛陽南而劉澄之言在洛東北非也山阿有魏
明帝高平陵王隱晉書曰惠帝使校尉陳總仲元
詣洛陽山請雨總盡除小祀唯存大石而祈之七
日大雨卽是山也來需之水又西南逕赤眉城南
又西至高都城東西入伊水謂之曲水也

水經注

卷十五

二十五

又東北過伊闕中

伊水逕前亭西左傳昭公三十二年晉箕遺樂徵

右行跪濟師取前城者也

三十二年左傳作
二十二年跪作詭

京相

璠曰今洛陽西南五十里伊闕外前亭矣服虔曰

前讀爲泉周地也伊水又北入伊闕昔大禹疏以

通水兩山相對望之若闕伊水歷其間北流故謂

之伊闕矣春秋之闕塞焉昭公二十六年趙鞅使

女寬守闕塞是也陸機云洛有四闕斯其一焉東

取西嶺並鑄石開軒高薨架峰西側靈巖下泉流

謂云此記極
淺近却遠極
實實却超極
簡心却勝多
多許

東注入于伊水。傅毅反都賦曰：因龍門以暢化。伊闕以達聰也。闕左壁有石銘云：黃初四年六月二十四日辛巳，大出水，舉高四丈五尺，齊此已下。蓋記水之漲滅也。石壁又有石銘云：永康五年，河南府君循大禹之軌，部督郵辛曜新城令王琨部監作掾董倚李褒，斬岸開石，平通伊闕，石文尚存也。

又東北至洛陽縣南北入于洛

伊水自闕東北流，枝津右出焉。東北引漑東會合

水經注

卷十五

二十六

水同注。公路澗入于洛，今無水。戰國策曰：東周欲為

田，西周不下水。蘇子見西周君曰：今不下水，所以

富東周也。民皆種他種，欲食之，不如下水以病之。

東周不必復種稻，種稻而復奪之，是東周受於君

矣。西周遂下水，卽是水之故渠也。伊水又東北，枝

渠左出焉。水積成湖，北流注于洛。合伊水，伊水又

東北，至洛陽縣南，逕員丘。東大魏郊，天之所準。漢

故事建之。漢書郊祀志曰：建武二年，初制郊兆於

勞城南七里，為圓壇八陛，中又為重壇，天地位

謂云老人為
鮪齒鮪聲又
似小兒宜其
稱人也

其上皆南向其外壇上為五帝位其外為壇重營

皆紫以像紫宮按禮天子大裘而冕祭昊天一作

上帝於此今袞冕也壇墮無復紫矣伊水又東北

流注于洛水廣志曰廣志以上疑有脫落鮪魚聲如小兒有

四足形如鱧可以治牛出伊水也司馬遷謂之人

魚故著其一作其著史記曰始皇帝之葬也以人魚膏

為燭徐廣曰人魚似鮎而四足即鮪魚也按山海經伊水

出蔓渠山東流注于洛又云厭染之水出傅山之

陽南流注于洛其中多人魚不云伊水豈古今相

水經注 卷十五 二十七

灑水出河南穀城縣北山

縣北有潛亭灑水出其北梓澤中梓澤地名也澤

北對原阜即裴氏墓塋所在碑闕存焉其水歷澤

東南流水西有一原其上平敞古舊亭之處也即

潘安仁西征賦所謂越街郵者也

東與千金渠合

周書曰我卜灑水西謂斯水也東南流水西南有

仲理墓墓前有碑題云真人帛君之表仲理名

護益州巴郡人晉永寧二年十一月立灑水又東

南流注于穀穀水自千金塢東注謂之千金渠也
又東過洛陽縣南又東過偃師縣又東入于洛

澗水出新安縣南白石山

山海經曰白石之山惠水出于其陽東南注于洛

澗水出于其陰北流注于穀

山海經作南流注于洛西北流注于穀

世謂是山曰廣陽山水曰赤岸水亦曰石子澗地

理志曰澗水出新安縣東南東入洛是為密矣東

北流歷函谷東坂東謂之八特坂山海經曰北流

注于穀擊仲治三輔決錄注云馬氏兄弟五人共

水經注

卷十五

二十八

居穀澗二水之交

古本作澗穀御覽引此同今吳本改作穀澗

作五門容

因舍以為名今在河南西四十里以山海經推校里

數不殊仲治所記水會尚有故居處斯則澗水也

即周書所謂我卜澗水東言水者是也

御覽引此無言水二

字

東南入于洛

孔安國曰澗水出澗池山今新安縣西北有一水

北出澗池界東南流逕新安縣而東南流入于穀

安國所言當斯水也然穀水出澗池下合澗水

得其通稱或亦指之爲澗水也並未詳之耳今考
水東十里有水世謂之慈澗又謂之澗水按山海
經則少水也而非澗水蓋習俗之誤耳又按河南
有離山水謂之爲澗水水西北出離山東南流注
于離山澗水也又東南流歷邾山於穀城東而南
流注于穀舊與穀水亂流一作南入于洛今
穀水東入千金渠澗水與之俱東入洛矣或以是
水並爲周公之所相卜也呂忱曰今河南使水疑
其是卽此水也然意所未詳故並書存之耳

八月二十一日丙夜閱